

采山堂詩集卷四

嘉興梅會 周箕

銅雀伎

可歎漳河水仍經鄴下臺金鳧終寂寞銅雀舊飛來舞罷羅衣卷香飄總帳開西陵松柏晚歌吹有餘哀


荒園

荒園多古樹竟日掩松扉壞棟龍蛇出空庭烏雀饑雲光深石路水氣落荷衣黃葉知何限蕭蕭下夕暉

貧居

經年不得意撫劒獨悲歌貧賤風塵老飢寒日月多空牀羣鼠擲踈牖一螢過卒歲無衣褐誰爲翦薜蘿

欲泊



孤舟行欲泊葭菼翳江濤晚日不能霽野雲聊復陰懷人傷
楚些去國效吳吟作客爾何事棲棲獨至今

賦得落日恐行人

客路愁何極風塵越故鄉溼烟浮遠水低樹壓斜陽道險迷
狐跡身孤怯雁行東林寒月上猶得借微光

同范遵甫夜坐

小閣同君坐徘徊夜遂深詩書十年夢貧病一秋心牕月待
人靜林風聞葉吟相看感搖落窮達信浮沉

萍

三月生初徧青看掩石磯聚時浮水暗開處露星稀風雨飄
零易根苗寄託微殘春花盡落泛泛欲何依

塞上

朔漠風烟迴飛沙上客裘雲黃時作雪草白不因秋戍夜烽
千里譙更月一樓不知班定遠何取在封侯

村居寄王介人

閒居聊自適暝色下荆扉攜杖尋幽渡臨流弄夕暉遠峯隨
樹變孤鶴戀松歸爲報東臯子南山共采薇

雨夜

憔悴孤眠夜踈牕聽雨深如何十年恨併入一時心燈影泣
殘夢檐聲傷苦吟淒其不成寐短髮欲霜侵

杪秋夜月

有月秋仍好兼霜夜自寒天將低野曠星亦靜更闌爽氣傷
踈葉羣光動激湍關山砧杵急誰念旅衣單
天空雲氣滅月迴下層檐疊影猶迷竹分光不隔簾山鐘傳

牙山堂詩集 卷四
夜獨風葉響秋兼擊柝何爲者孤城警自嚴

郊步

野田寒色起溝洫水潺湲晚霽有餘雪夕陽無數山爭枝驚
鳥墮移櫂見漁還學圃何年事桑麻十畝間

初夏

偃息浮雲外幽居一灑然溪平瓜蔓水雨上薜蘿烟樹氣通
漁路春陰養麥田衡門人事遠長日倚書眠

寄懷沈十二進

故人皆遠出之子獨幽居苔檻竹烟淨茅檐花露餘終身無
改轍期我且攜鋤等是嵇康嬾交游絕報書

懷查逸遠

憶昔君過我燈寒語夜深彌衡人欲殺王霸世誰尋海曲雲

山遠春初雨雪陰那能移片櫂就汝草堂吟

懷道耕

羨爾能高尚飄然與世辭彈琴紫微麓高詠白雲詩我愧長
飄蕩家憐有凍飢結鄰心每切只乏草堂貲

懷竹垞維揚

作客惟君近江都五日程開春難接面望遠獨含情綠蟻浮
杯溢紅椒映燭明不知東閣外梅蕊幾枝榮

得高念祖廣州手書

昔去從江北今知在粵東尺書心乍展萬里夢先通楚澤餘
天問尼山感道窮故人無援手容易逐飄蓬

懷李斯年昆季

海曲三珠樹天南萬里行秋風夜郎國春瘴尉陀城醉態娛

蠻舞羈心發狄聲近來傳短札交切倚閭情

懷鄭甥文谿

不盡陽元學真知宅相賢山河遙入晉風雪近歸燕身比南
金重書勞北雁傳莫須恒似舅袒跣貴人前

懷張考夫

契濶張夫子平生實典型立言惟布粟爲政在家庭上下論
千古東西有二銘閒階帶草色幾日又青青

懷李天穀

浮生餘五十轉覺故交稀獨有李膺在常憐桑扈饑笑笑何
適可草草往時非顛望君先達規余舊釣磯

酬昭仲明遠

績學深年歲心儀二子殊棲遲同十畝著述擬三都我自隨

牛僧人誰與腐儒新詩勞慰藉此道日應孤

懷許潛飛

海雲南望合最念許文休孝友家爲政農桑力是謀鄭玄高
弟子楊震舊交游數數聞忠告慙余契晚投

懷陳升萬

陳子才英發蹉跎未遇時狂歌誰爾和痛飲自相師子漫陶
潛責交應鮑叔知何當攜酒榼梅月坐參差

懷李文山顏

君爲汝潁客歲盡未旋歸碧洛猶停檝青嵩幾振衣里看蒼
舊少詩憶布韋微千里傳書札諄諄念渴饑

和閒居詩次韻

暫爾辭簪紱林泉愜自如眼常開妙繪手自輯良書嵇阮交

偏暱求羊過不踈還期浣花老更卜讓西居

未即耽踈懶差能畧應酬散踪多野鹿機事少沙鷗雪訝泉
流澗霜疑月到樓若非上牀臥賓客定能留

瓊佩齊蘭佩朱門似葦門竹涼生寂歷槐暑絕歌煩石筍自
成列燕雛相與言高陽池上醉可並辟疆園

琵琶能作語天際想真人幸得知音賞多緣識曲真留賓兼
北海問字幾東鄰我亦同漁父桃源覓舊津

齋宿西峯

齋宿靈祠下天風縹緲寒牽帷森劔舄炳炬肅衣冠槎泛星
河近雞鳴海日看晨鐘清夢覺身在紫微端

過石佛菴遇西葦禪士兼懷清隱

精舍紆村北幽人渡水東石雕瞻滿月旛繡動微風林鳥聞

鐘下池魚出藻喁泠然心賞久轉自憶深公

人日過從弟天球鄉居

杖屨晴郊步桑麻從弟家村深遙吠犬溪涸淺橫槎興逐高
雲遠人逢今日誇東風空自暖未見有梅花

珠蘭

細細連枝綴纍纍結佩懸香猶王者並紉異楚臣憐涓滴常
垂露迷離數帶烟仍勞美人摘併入鏡臺圓

上元日雨中遣悶

上元推令節多雨感蕭晨燈火明無夕梅花暗有春詩編佳
什少書達舊交頻四海徒寥濶飄飄着此身

將至木瀆簡秦存古

木瀆秦高士端居養拙深漫滋蘭作畹不種橘為林三載勞

相憶孤吟見此心今宵舟泊處昏黑更須尋

春日霽園讌集

烟巒開曉墅雲樹轉春江出郭蘭舟並穿林蠟屐雙騷人矜
楚澤文讌重吳邦兄弟君家好香醪滿玉缸
簾風深有蔽檻雨橫無虞自喜畱清佩何勞繫白駒片花侵
坐弈叢竹傍行厨誰道萍蓬客邀歡得耦俱

上巳日飲盛弁雲庭松下追悼沈朗山

花柳春城發江湖倦客過水濱猶祓禊松下即酣歌悽愴臨
風笛蕭森裛露柯爲歡總如夢恨失舊羊何

酬柯巨川

溝壑當年志山林敢後先伯休終賣藥摩詰早棲禪近作無
家客頻荒翳郭田承君知己感握手爲淒然

風鳶

羽翮春纜具扶搖力漫勝一絲終自繫千里欲何憑鷹隼摩
霄健鶴鸞造羽矜那辭相顧笑參預實只無能

過石佛菴

偶向清溪渡因探白玉堂貝多秋聚葉蒼荀午流香塵事終
難解機心此暫忘肯從方丈外寓我讀書牀

四月望日西園晚步

雨徑莓苔滑傾欹不易尋岸低池溢水石斷笋穿林節序驚
如昨蕭條感自今山僧相識久未厭數狂吟

雨中得吳瞻兮新詩

坐雨苦岑寂來君詩數篇高懷披宿霧良晤待晴天餅粟已
空粒牀琴誰復絃脣焦吟未穩心事急炊烟

戊申除夕作明旦將往武康

明發將何往山中有舊盟遙尋遠公約西作武康行斗柄沉
沉轉雞棲喔喔鳴未須重假寐東佇海霞生

元日發櫂是夜泊雙橋

行色催元日乘流泛遠船江清紆百里天黑到雙橋容鬢年
華促雲林夢想遙山中蓮社在棲隱不須招

經德清縣

水市容千舫城橋對五門閭閻形勝別揖讓歲時存溜急魚
偏聚山寒日早昏旅酤春釀薄斟酌共誰論

曉入銅山

日出寒烟外天開積霧中亂峯深更入哀壑聽何窮祀有銅
官舊巖藏石燕空樵夫相戒說虎跡在深叢

暮入吉祥峯

斜照羣山合何峯是吉祥鳴鐘寒谷裏流水古松傍徑轉樵
人出林紆梵刹藏舉頭新月在似爲照迷方

人日吉祥寺坐雨

今日爲人日山中是客中檐飛侵瀑雨庭過入林風石几憑
南郭繩牀對遠公無言塵慮少身世已全空

徑山山半亭題句

琳宮望不極山半尚雲封忽斷巖前樹遙聞天外鐘結亭人
暫息題柱墨猶濃待陟凌霄去還愁冰雪重

過松源精舍

菴識松源舊門開竹徑新潛龍過聽法怖鴿下窺人林雪吹
階晚苔冰映壑春尋幽隨處得清灑此閒身

禮達觀大師塢

寂照瞻遺像知公定不凡塢猶傳紫柏門尚立春杉忍草麋
新過天花鳥舊銜化城今寂寞千載閱琅函

登凌霄峯

漸覺盤空上真知到頂遙野平千嶂伏天近五峯標雲霧衣
常潤冰霜路不消渾疑仙馭接笙鶴坐相要

喜李斯年自滇中歸

萬里遠爲客六年今始歸堂護正葱翠庭樹欲芳菲未羨干
金橐真憐五綵衣故人知在念須問釣魚磯

從徑山歸接朱十彝尊濟南書

未返山中屐先停浦口船遠書移隔歲深淚掩初年冰雪春
能解星河夜正懸夷吾不溝壑賴有叔牙憐

雪後登王氏林閣

閣向林端出人從雪後登碎知風戛樹深訝壑霾冰映玉雙
峯接團雲一氣凝王猷曾訪戴清夜興堪乘

雪霽呈巢公

漸覺重陰解微知積氣澄林風猶灑雪潭日已穿冰忽憶東
林老將分上院燈千年松隱蹟重見慧光增

登銅山絕頂

吳山鍊銅日井在翠微顛色愛四時異深看百丈懸洞幽疑
裂石松古欲參天薄暮下山去蒼蒼橫夕烟

酬蔣僧果

羨爾棲玄地從余訪道來晴牕開卷帙霜砌偃蒿萊飯喜青
粳煮衣堪翠荔裁閒雲將野鶴相逐更無猜

九日登王氏林閣有懷

往歲登高處幽襟喜共開今朝菊花節遠客未歸來懷袖三年字鄉園百尺臺臨風搔短髮愁絕塞鴻哀

月下訪友大松庵

十里城南路松林度杳冥溶溶天上月流照滿郊坳言訪山中客同登溪上亭坐憐衣袂溼花露夜深零

偶集有歎

老逐歡娛會當杯亦可憐眼看偕坐客心覺最衰年珠斗傾斜漢霜鴻度遠天更誰橫玉笛淒切近樓前

倦圃席上讀施愚山先生武夷草有作

旌旆雲中返烟霞谷口尋舟車來上客山水接清吟興逐羣峯轉心迷九曲深幔亭仙宴處彷彿度鸞音

送吳準菴之任洛陽

嵩洛中天地成周建國餘山川仍夙昔風俗近何如季札能觀樂公儀不受魚遙知多惠愛自覺簡刑書

宿祖燈菴

玄社三秋隔清燈片夕同晚年心更逸前月耳曾聾映月開詩卷臨風倚竹叢不須持半偈已覺萬緣空

長顰

好在屠羊肆依然牧豕身艱虞無再計老大只長顰世易蕭朱隙交難管鮑親乘車逢戴笠下揖更何人

強起

耳目聰明減端居喜靜便閉門那可得塵事日相牽問字鄰攜酒催租吏索錢應酬須強起未遂撥書眠

垂老

海上仙人島林中大士居弱齡心所慕垂老願成虛霄漢多
翔鳥江湖有縱魚吾生長束縛慙歎未能如

雜花林題壁

崑南青壁下獨有雜花林殘雪雙筇入荒榛一徑深興來纔
對酒靜處亦鳴琴三泖波濤細歸舫近可尋

僧齋午曝

敝褐曾無暖茅堂藉午暄踈鐘人寂歷晴樹鳥飛翻內外心
何在高卑道自存風旛餘妙義此日更休論

至樂園詩贈柏雪龕

卓犖寰中雋蕭疎物外情丘園殊可樂軒冕乍能輕對弈松
雲冷哦詩竹露清如何謝安石強起爲蒼生

寄呂晚村

漆鑿誰能定因時屢廢興陽秋季野得月旦子將能白恰憎
衰老青雲謝友朋惟應巖壑裏長嘯覓孫登

哭徐子能三首

念爾詩名久平生傲岸多行藏人外得歲月病中過歐血勞
諸葛懷鄉屈尉陀英雄尊位置此語未應磨

憶昨名園會籃輿正出門虛叨偉人目降接鄙夫論雨暗僧
寮火天寒客舍尊百年知己分只數信陵恩

碩果如君少今來又喪亡寓居禪屋冷視疾僕夫良索食無
仁祖分餐有孝章城南洲島畔髣髴是山陽

將赴九峯襖約雨阻武水賦寄

知君修上襖爲愛永和年隔歲馳蘭札餘春放酒船草移鴛

水岸樹羃柳洲烟悵望鼉峯閣新詩若爲傳

宿文公精舍

已公能愛我茅屋賦詩新葦岸時緣檝松林晚挂巾閉門憎
熱客放論謝嘉賓此夜繩牀設將無爲許詢

高樹斜陽挂平臺小徑通解衣初就沐却扇爲當風家室饑
荒後乾坤戰伐中漫持濠上樂玄賞覓林公

宿朱子葆山樓

主人歸自粵過訪輒能留我到逢長夏堂虛似早秋樹圍池
水碧苔綴石牀幽滿酌幾深醉渾忘鼓角愁

過放鶴洲

洲淑縈紆處猶傳放鶴名未探幽境絕坐覺俗塵清水樹臨
軒影風蟬到枕聲一餐休埽跡未厭往還輕

寄俞日絲

非病同原憲稱聾異杜微論交來駟馬謝辟掩雙扉書卷銷
長日藜羹閱洊饑行藏憑報汝好在舊荷衣

蠡湖月坐

蠡湖清夜好皎月浸空明樹列稀踈影波迴淡蕩聲涼飄衣
露襲風折戍烏驚不待行吟苦多知白髮生

寄濮淡軒

詩道今中落君猶大雅存產憐同鹿野鑑喜別龍門弋釣輕
爲業吹噓易感恩諸侯不下士誰信布衣尊

寄俞無殊

舊訪山中社今探篋裏書風期千載上心力十年餘好事移
尊數窮交指困虛吹簫吳市盡若處伯通居

飲田家

五月黃梅候陰晴儵忽間低雲纔度雨斜日又銜山穉子撈
鰕去鄰家刈麥還煨醪香正熟強我醉醅顏

秋夜宿致遠樓

檐迴星河入簾疎竹樹侵露凋孤客鬢秋碎百蟲心排解憑
高識憂傷藉苦吟久憎家室累罷遣夢魂尋

登紫微山觀雪因懷笈公銅山

玉磴千尋上瑤林四望齊郊原光不定山澤氣恒迷凍雨連
朝合凝雲薄暮低支公高臥處遙憶武康西

歲暮有感四首

不謂逢饑歲艱難萃百憂家餘八口在囊少一錢留積雪糶
深巷淒風入敝裘牀頭書數卷典質尚堪謀

顏回居陋巷原憲被鶉衣我亦安貧賤高風庶可希繩床侵
雪冷榆粥到晨饑自覺營求懶無嫌問訊稀
儵忽歲時盡蹉跎筋力衰霏微林際雪飄拂鏡中絲妻子有
交謫親朋多媿辭平生溝壑志爾豈欲忘斯
昏墊傷漂溺祁寒起怨咨民生空有憾天意本無私草木春
將秀烟雲晚自移明朝開霽色便可豁雙眉

林生枚過舍留飲

東風連日動未有一人來之子如瓊樹過余破碧苔春盤魚
早設臘釀蟻初開寂寞揚雲宅無言問字回

過薛道士山房

春風催步屨偶過紫微壇薊訓曾燒藥王喬舊控鸞雲璈空
裏度琪樹雪中看自笑顏衰老何由駐渥丹

正月四日飲沈氏邨居

今朝初出飲爛醉向田家門映雙峯雪盤開五色瓜休文長帶緩子夏小冠斜莫怪頻歌倒看余兩鬢華

飲李廣文生佳齋

曲巷遲融雪閒庭始破苔枕書邊子臥蠟屐阮生來故舊嗟難聚年華苦易催春盤能我設敢厭最深杯

過藍村畱酌

日晚風逾急溪迴路轉紆琴書開竹戶蔬筍出山厨人羨窮時合交難達後俱清尊君不惜醉我任歌呼

春夜獨坐

澹澹春陽轉溶溶夜色清露溥梅萼重風裊竹枝輕纖月窺牕墮疎星入檻明靜中無限好那使百愁生

同柏山人古過錢隱君梅園喜已公先至

昨與山僧約今同野客來春風三百樹爲我一時開襟袖餘香拂亭臺落照催因茲見高趣畱賞幾徘徊

贈張大燮

舊識張公子遙從絕塞還梅花一片石風雪萬重山寶劍空馳逐清吟且閉關丈夫身許國壯志未應閒

過錢山人別業

別業春郊外林泉入畫圖洄流蘋渚淺落日草亭孤地暖梅爭發沙寒雁屢呼支公吾舊識分饌及伊蒲

問柯二弘本疾兼呈其昆季

枚乘過從日劉楨臥疾年清談來竹下起色在花前玉樹臨風秀金莖浥露鮮急難兄弟在爲詠脊令篇

茅屋

茅屋飄殘雪蓬門入緒風衝寒猶樹下偃曝已墻東坐喜青
檀護頭看白髮蒙未須謀去住遠近一途窮

過項孝廉濠上園居

野渡挈舟楫郊園入畫圖溪形紆岸曲塙勢出林孤風細松
颯落雲寒水鶴呼蔣家三徑闕分許及潛夫

自魏里歸畱宿芷園

旅食非彈鋏歸裝有束書溪明浮客櫂樹密隱郊廬急杵舂
香稻低碓斫鯉魚青雲慚小阮許共竹林居

雨夜蕭山道中

祇是愁冰雪何曾畏雨風連山遲策杖兼夜倚征篷漸覺衣
裳溼猶欣笑語同晨看越城樹歲晚尚青葱

宿南鎮

旌旗丹陛肅燈火碧軒幽不自精誠感難從寢寐求鬼神森
劔鳥風雨下松楸赫赫常臨鑒機祥好豫謀

若耶溪中汎舟作

撥櫂緣東郭蒼茫望欲迷溼雲遙冠嶺急雨暗奔溪攀躡人
難到陰晴候不齊待尋高齒屐謝傳與相攜

毛公壇

漢室傳高遜於茲化羽翰苔生洗藥井雲落拜星壇山色圍
深碧湖光蕩晚寒淮南叢桂發雞犬並劉安

懷葉七霑陳大鈇龔大彥諸子

兩京推衆妙一老廁羣賢麋鹿忘羈束驂騶後先西園飛
蓋數東閣詠詩偏梅福來吳市相思亦可憐

周生之楨爲余彈琴作此贈之

喜爾攜琴至揮絃得妙聲不知檐日暑但覺檻風清爲問所
從出知由韓北平淒然懷故舊曲罷有餘情

秋日過古南丈室

徑轉修廊北軒開丈室前牕虛堪映日爐靜不浮烟啜茗泉
初冽拈花契獨偏何時許都講長借石牀眠

和從弟篁寄懷之作

海上羈棲久林中契濶深行分嗟北雁身在許南金照鏡霜
催髮開緘血湧心郵筒無長物相續有哀吟

秋水

秋水方時至虛檐極望勞樹低農屋近天壓賈船高八月風
常怒孤吟氣不豪寒今憐范叔解或有綈袍

同朱十彞尊宿令弟湖南水閣壁間題句

我昔曾過此今來已二年主人雖暫出牀几故依然酒得邨
醕美菱知晚摘鮮難兄歸自客倚醉問青氈

持魏隱君禧手書往招陸隱君嘉淑作九日之會舟中
作

欲開良宴集爲作寄書郵海內論兄弟天涯感去留烟橫蘆
岸曉露裊菊叢秋最是逢佳節人生幾勝游

晚過真如寺訪徐山人增知赴鶴洲公讌以詩投之

晚入招提徑蕭森落木中金繩懸夕照寶鐸韻天風苑有朋
簪合堂窺旅榻空鶴洲元咫尺清讌可能同

秋日同朱十彞尊沈二傳弓飲柯大崇樸齋園次韻

召客乘青雀開園俯碧溪讌同金谷賞路異武陵迷梧日搖

簾碎松雲度檻低小童供饌訖來往玉壺攜
天光涵曲沼樹色隱迴岡沙白朱鱗見菰青翠鳥藏窮幽莓
磴滑取蔭苧袍涼已發山中桂尊壘襲晚香

和晦山和尚題幽瀾泉之作

地偏開淨域泉古濬幽瀾杳靄雙林寂澄泓一鏡寒脉通獅
子座光映象王壇中有神龍蟄憑誰下釣竿

晨起

雞唱亦已久林烟天尚昏最憐叢桂發飄落在西園硯涸承
檐滴衣乾漬漏痕前期總如夢含思欲何言

讀陳海寧塞外遺稿

望自江南著書從塞北通髡霜嚴譴日巢破亂離中去住身
難定悲歡事不同尚留詩卷在猶是少陵風

忽忽

忽忽頭將白駸駸歲易過徑情諳世淺諒節抱飢多擁絮看
兒子爲園失礪阿今朝廡下客愁絕五噫歌

詠盛二葉庭前雙松樹

孫楚庭前樹今移此地栽蒼龍雙鬪合翠鳳兩飛來當暑炎
蒸失經秋風雨哀羊求三徑入無取竹林開

庚戌元日

垂老逢元旦傷心節序遷陰霾猶昨日風物已新年柏葉傾
家釀椒花簇歲筵唯憐小兒女繞膝誦詩篇

首春擬游天目諸山以久陰不果賦此自遣

阮孚幾兩屐揚子一牀書漫擬探名嶽終知守敝廬冬春連
雨雪川陸限舟車人事多艱阻誰能願不虛

觀紫微泉

夙昔鳴琴處曾聞漱玉亭丹砂移舊穴白鶴見遺翎此日潛
通竇幽人待勒銘我來方被酒一畝早成醒

將訪崇己大師於祖燈精舍忽值惠臨兼訂拉徐山人
增同過度歲喜而有作時淨澈師偕至

望岫將移艇乘流忽渡杯竹堂清話接蓮社素心催耆舊尊
風範林泉愜往來復尋高士約須及早梅開

惘惘

惘惘心如失勞勞歲載馳烟霜今已晚舟楫欲何之去問樂
公社歸尋漂母祠人生知己分千載重懷思

避世

莽莽天難問栖栖道易窮無衣傷歲卒艱食負年豐牢落常

如客龍鍾漸作翁無言牛僧賤避世有牆東

雨坐芷園

曲檻臨流處匡牀握麈時雨疏沾蟻垤風葉冒蟲絲輞水酬
裴迪濠梁詰惠施幽棲多逸興勝侶莫相遺

與弟篁

江梅三十樹正在爾門前幾日春風動坐來香可憐繁花晴
綴雪纖月晚含烟記得支公謂篁公別題詩又隔年

同仲聞姪過王氏園亭因懷李武曾客上谷

南園風物好喜共阿咸游花發扶筇入詩成刻竹畱蒼苔殘
雪點虛閣晚香浮憶昔同吟者遙深萬里愁

乞食

何用工詩句從來不抵錢饑驅將乞食老逼欲棲禪山水流

連得鶯花取次遷聊存尊酒在藉草幾回眠

放櫂

放櫂南湖好陂塘草木深孤城當夕照四野入春陰彈鋏復何事垂綸終此心無同憔悴客風雨日行吟

田家

田家相識少無事出柴扉風細野花落溪明沙鳥飛東臯春雨過北壠夕陽微誰似灌園叟深居忘是非

送查三容攜家入楚便往滇中

念爾攜妻子圖書共一船此行將萬里為別動經年春草迷江渚秋風落瘴烟故人崔李在相望碧雞前荆楚已殊域滇黔更遠程分攜吾輩惜流寓土人驚鄉遠句吳俗家依故郢城參軍非所好蠻府莫徒行

送從弟宗城赴澧州掾

為有高堂養難忘捧檄情津亭猶祖席江路即王程乍喜沾微祿終期載令名池塘夢春草佳句愧難兄

庚子春吳門陳漢公過吾里追哭王介人時介人歿八年矣為感賦二首

揚子已云逝玄亭空草萊那知千里客臨弔重徘徊葬近要離墓名高洛下才平生雞黍約酌酒有餘哀
河流渡口渾有客自吳門言訪山陽舊重過栗里村琴臺春草合隴樹夕陰昏旅舍應無寐何由感夢魂

感懷簡繆大永謀

種種慙余髮栖栖見爾情牛醫應自笑馬牧本相輕筋力慵垂老山田念薄耕茲懷誰可悉唯有灌園生

夏日偶成

夏木交加翠虛堂寂歷清麥秋低穀價人老賤詩名九里河
難潤三年舍未成今朝衫絺綌大勝敝裘輕

涂長簡過

五月陰晴半端居只掩門簾移常近竹童遣不過村爾肯貧
交問人誰獨學尊窮通天所賦巧拙未須論

干人

不作干人札何來辟穀方聽言多藐藐馳告實茫茫降禍寧
天酷安貧亦士常老妻將稚子慎勿厭糟糠

飲泣

處困言誰信居疑道或非傳經空馬廐飲泣共牛衣兒女生
前累文章死後譏夷齊清節迴猶怪食山薇

懷雲上人結茅徑山

聞爾空山去茅菴結構牢林中雙徑杳雲外五峯高蛟穴潛
通井鐘聲晚應濤望江亭畔月回首意徒勞

登太白樓

前賢有遺跡千古尚高風沿沂滄江上酣歌明月中斯文今
未喪吾道昔云窮再拜停橈夕長懷述作功

蛙

青草荒池畔黃昏細雨時無端來鼓吹漫欲問官私呼急情
如告愁深聽不移休文腰瘦盡取食擬何爲

蟬

妝髻偏宜兩冠綉不待雙忽聞中夏柳偏近夕陽牕翳葉形
終蛻臨風調未降露多齊女畏淒咽對秋缸

蚊

利觜耽居暗宵行怯向明徒成聚雷勢不任負山名血已枯
童孝筋還露女貞何當霜夕降牀第得餘清

蠅

飄忽來何處營營擾鬱蒸綺牕明自觸玉塵拂難勝點易孫
郎惑文堪永叔憎秋風乘屋未漫爾索絢能

曹秋嶽先生自雲中還里奉呈二首

萬里雲中使懷哉舊草堂旋旌衝雨雪歸屐踐烟霜匡濟心
猶在山林興自長孔融仍好客軒蓋滿中堂

曲檻迴蒼嶼虛亭俯碧溪竹圍枰石冷花礙角巾低慕邴官
從解希莊物可齊宴酣清盥罷散髮夕陽西

智覺寺橋上曉望

梵閣晨鐘徹溪橋野望清葉紅攢似錦雲碧亘疑城長水秦
時鑿禪宮漢代營追隨煩指點珍重遠公情

簡魏大允柎

仰止日已久君生忠孝門時艱名不墜身隱道彌尊竹素千
秋業匏瓜五畝園於陵慙末契晨夕儻相存

春夜宿放菴有懷墨公在徑山

招提遠投宿夜半竹扉開僧自定中起客從何處來山厨初
換火石榻早生苔遙憶祥峯老清吟日幾回

歸自魏里得李無塵寄詩次韵奉酬

經時棲武水佳信遠相聞縱有芝蘭契難忘麋鹿羣稻梁人
共急冰雪歲將分漫憶東林社清談下夕曛

寄懷徐聖可

身山堂詩集 卷四
愁臥經旬月春風帳始開懷君不可見落日倚層臺水際沙
草出檐端谷鳥迴將因驛使便寄爾一枝梅

與胡處士山

洽比昏姻並箴規道義親家人原細故我輩自天真種樹愁
無地謀生患有身江湖波浪濶欲往苦迷津

詠李明齋庭梅

中庭梅兩樹如雪盛敷榮虛室幾生白高樓迴自明露華紛
掩映銀漢下縱橫誰更吹鸞笛寥寥倚太清

采蓴

細蔓柔柔弱輕舟箇箇添參差方未已采摘定無嫌入箸銀
絲滑行厨翠釜黏爲憐滋味別更下水晶鹽

濮水道中寄懷



P20後缺

